

BOSNA I HERCEGOVINA



**MEMORIJALNI CENTAR SREBRENICA-POTOČARI SPOMEN OBILJEŽJE
I MEZARJE ZA ŽRTVE GENOCIDA IZ 1995. GODINE**

P R A V I L N I K

**O UPOTREBI SIMBOLA (ZNAKA VIZUELNOG IDENTITETA I LOGOTIPA)
MEMORIJALNOG CENTRA SREBRENICA-POTOČARI SPOMEN OBILJEŽJE I
MEZARJE ZA ŽRTVE GENOCIDA IZ 1995. GODINE**

Srebrenica, oktobar 2022. godine

Na osnovu člana 7. i 12. Zakona o Memorijalnom centru Srebrenica-Potočari Spomen obilježje i mezarje za žrtve genocida iz 1995. godine („Službeni glasnik BiH“, broj 49/07), te člana 4., 12. i 18. Statuta Memorijalnog centra Srebrenica-Potočari Spomen obilježje i mezarje za žrtve genocida iz 1995. godine ("Sl. glasnik BiH" broj 20/08), a u vezi sa Odlukom o simbolu Memorijalnog centra Srebrenica- Potočari Spomen obilježje i mezarje z žrtve genocida iz 1995. godine, broj: 01-50-1-546/20 od 29.06.2020. godine, Upravni odbor Memorijalnog centra, na svojoj 33. sjednici, održanoj dana 28.10.2022. godine, donio je:

P R A V I L N I K
O UPOTREBI SIMBOLA (ZNAKA VIZUELNOG IDENTITETA I LOGOTIPA)
MEMORIJALNOG CENTRA SREBRENICA-POTOČARI SPOMEN OBILJEŽJE I
MEZARJE ZA ŽRTVE GENOCIDA IZ 1995. GODINE

I OPŠTE ODREDBE

Član 1.

Pravilnikom o upotrebi simbola Memorijalnog centra Srebrenica-Potočari Spomen obilježje i mezarje za žrtve genocida iz 1995. godine (u daljem tekstu: Pravilnik) propisuju se uslovi i način upotrebe simbola (znaka vizuelnog identiteta i logotipa) Memorijalnog centra Srebrenica-Potočari Spomen obilježje i mezarje za žrtve genocida iz 1995. godine (u daljem tekstu: Memorijalni centar).

Član 2.

Simbol Memorijalnog centra definisan je Odlukom o simbolu Memorijalnog centra Srebrenica-Potočari Spomen obilježje i mezarje z žrtve genocida iz 1995. godine, broj: 01-50-1-546/20 od 29.06.2020. godine (u daljem tekstu: Odluka) i Knjigom grafičkih standarda, koje čine sastavni dio ovog Pravilnika.

Član 3.

Simbol Memorijalnog centra može se upotrebljavati isključivo na način propisan ovim Pravilnikom.

II UPOTREBA SIMBOLA (ZNAKA VIZUELNOG IDENTITETA I LOGOTIPA)

Član 4.

Simbol Memorijalnog centra može da se ističe na:

- a) ulazu u sakralni dio (prostor koji obuhvata mezarje), ulazu u memorijalni dio i svim objektima memorijalnog dijela kompleksa Memorijalnog centra (prostor Bivše fabrike akumulatora),
- b) svim aktima koji služe za internu i eksternu komunikaciju, svim materijalima koje izdaje Memorijalni centar i drugim aktima u elektronskom ili štampanom obliku,
- c) mehanizaciji i svim vrstama službenih vozila Memorijalnog centra,
- d) HTZ opremi.

Član 5.

- (1) Kada se simbol Memorijalnog centra koristi na zastavi, uz zastavu Bosne i Hercegovine, na ulazima u sakralni i memorijalni dio Memorijalnog centra, zastava Bosne i Hercegovine stoji na poziciji s lijeve strane.
- (2) Kada se simbol Memorijalnog centra koristi uz grb Bosne i Hercegovine (na znakovima obavještenja, objektima u memorijalnom dijelu, aktima koja služe za internu i eksternu komunikaciju, svim materijalima koje izdaje Memorijalni centar, drugim aktima u elektronskom ili štampanom obliku i dr.), grb Bosne i Hercegovine stoji na poziciji s lijeve strane.

III NAČIN I USLOVI KORIŠTENJA SIMBOLA OD STRANE DRUGIH PRAVNIH I FIZIČKIH LICA

Član 6.

- (1) Upotreba simbola u kulturne, umjetničke, obrazovne i promotivne svrhe može se, pod određenim uslovima, odobriti i drugom pravnom ili fizičkom licu, ukoliko se time ne narušava ugled i dostojanstvo Memorijalnog centra.
- (2) Saglasnost za upotrebu simbola u svrhe iz prethodnog stava ovog člana daje predsjedavajući Upravnog odbora, na pisani zahtjev zainteresovane strane.

Član 7.

- (1) Uslovi, način, vrijeme i svrha upotrebe simbola Memorijalnog centra te prava i obaveze uređuju se ugovorom ili drugom vrstom sporazuma o upotrebi simbola, o čemu se vodi posebna evidencija.
- (2) Pravo na upotrebu simbola daje se na određeno vrijeme bez naknade.

IV ZAŠTITA PRAVA UPOTREBE SIMBOLA

Član 8.

- (1) U slučaju nedopuštene ili nepropisne upotrebe simbola Memorijalnog centra, preduzeće se odgovarajuće mjere zaštite u skladu sa pozitivnim propisima.
- (2) Pod nedopuštenom upotrebom simbola podrazumijeva se njegova upotreba od strane pravnog ili fizičkog lica koje pravo upotrebe i korištenja nije obezbijedilo ugovorom, sporazumom ili drugim aktom Memorijalnog centra, odnosno ukoliko je upotreba simbola suprotna odredbama ovog Pravilnika.

Član 9.

Zbog nedopuštene ili nepropisne upotrebe simbola, Memorijalni centar će:

- a) korisniku uputiti pisano upozorenje zbog nedopuštene upotrebe simbola Memorijalnog centra i zahtijevati da odmah prestane sa upotrebom istog;
- b) korisniku uputiti pisano upozorenje i odrediti rok u kojem je korisnik obavezan da obezbijedi saglasnost za upotrebu simbola u skladu sa ovim Pravilnikom;
- c) raskinuti ugovor, odnosno sporazum ili drugi akt o korištenju simbola;
- d) tražiti pravnu zaštitu u skladu sa zakonom.

V ZAVRŠNE ODREDBE

Član 10.

Izmjene i dopune ovog Pravilnika vrše se na način i po postupku za njegovo donošenje.

Član 11.

Ovaj Pravilnik stupa na snagu danom donošenja i objavljuje se na web stranici Memorijalnog centra u dijelu Interni akti Memorijalnog centra.

Broj: 01-02-3-2175/22
Srebrenica, 28.10.2022. godine





Broj: 01-50-1-546/20
Srebrenica, 29.06.2020. godine

Na osnovu člana 6. i 12. Zakona o Memorijalnom centru Srebrenica-Potočari Spomen obilježje i mezarje za žrtve genocida iz 1995. godine („Sl. glasnik BiH“ broj 49/07) i člana 10. i 18. Statuta Memorijalnog centra Srebrenica-Potočari Spomen obilježje i mezarje za žrtve genocida iz 1995. godine („Sl. glasnik BiH“ broj 20/08), Upravni odbor Memorijalnog centra Srebrenica-Potočari Spomen obilježje i mezarje za žrtve genocida iz 1995. godine (u daljem tekstu: Upravni odbor), na 16. sjednici održanoj dana 29.06.2020. godine, donio je

ODLUKU

o simbolu Memorijalnog centra Srebrenica-Potočari Spomen obilježje i mezarje za žrtve genocida iz 1995. godine

Član 1.

Ovom Odlukom se propisuje izgled simbola Memorijalnog centra Srebrenica-Potočari Spomen obilježje i mezarje za žrtve genocida iz 1995. godine (u daljem tekstu: Memorijalni centar).

Član 2.

Memorijalni centar usvaja svoj simbol. Simbol je vlasništvo Memorijalnog centra na koje on ima isključivo pravo korištenja. Simbol je izrađen u horizontalnoj i vertikalnoj verziji.

Upotreba horizontalne verzije simbola - sa lijeve strane nalazi se grb države Bosne i Hercegovine, naziv države Bosna i Hercegovina i naziv Memorijalni centar Srebrenica-Potočari Spomen obilježje i mezarje za žrtve genocida iz 1995. godine na službenim jezicima u Bosni i Hercegovini i na engleskom jeziku, a sa desne strane četvorougao crne boje sa ivicama bijele boje, unutar kojeg se proteže red od šest bijelih nišana koji se sa lijeve na desnu stranu četvorougla uzdižu po visini, s tim da prvi i istovremeno najniži nišan presječen po visini simbolizira proces ukopa koji još nije završen. Sa desne strane četvorougla velikim štampanim slovima latinice ispisan je „MEMORIJALNI CENTAR SREBRENICA“ na bosanskom i/ili engleskom jeziku.

Upotreba vertikalne verzije simbola - sa lijeve strane nalazi se grb države Bosne i Hercegovine, naziv države Bosna i Hercegovina i naziv Memorijalni centar Srebrenica-Potočari Spomen obilježje i mezarje za žrtve genocida iz 1995. godine na službenim jezicima u Bosni i Hercegovini i na engleskom jeziku, a sa desne strane četvorougao crne boje sa ivicama bijele boje, unutar kojeg se proteže red od šest bijelih nišana koji se sa lijeve na desnu stranu četvorougla uzdižu po visini, s tim da prvi i istovremeno najniži nišan presječen po visini simbolizira proces ukopa koji još nije završen. Ispod četvorougla velikim štampanim

slovima latinice ispisano je „MEMORIJALNI CENTAR SREBRENICA“ na bosanskom i/ili engleskom jeziku.

Član 3.

Izgled i grafičko rješenje simbola Memorijalnog centra su sastavni dio ove odluke.

Simbol Memorijalnog centra ne može se upotrijebiti kao robni ili uslužni žig, uzorak ili model, niti kao bilo koji drugi znak za obilježavanje robe ili usluga.

Član 4.

Slobodna je upotreba simbola Memorijalnog centra u kulturne, umjetničke, obrazovne i promotivne svrhe, pod uslovom da ne narušava ugled i dostojanstvo Memorijalnog centra.

Saglasnost za upotrebu simbola u svrhe iz prethodnog stava ovog člana daje predsjedavajući Upravnog odbora.

Član 5.

Ova Odluka stupa na snagu danom donošenja.


PREDSJEDAVAJUĆI
UPRAVNOG ODBORA
Ševket Hafizović